

La Declaration

FAICTE PAR LE ROY,
DE SA MAIORITE, TENANT
son liēt de iustice en sa Cour de Par-
lement de Roüen: Et Ordonnance
par luy faicte pour le bien & repos
public de son Royaume: Et ce qu'il
dict en ladicte Cour auāt la publi-
cation de ladicte Ordonnance.



A PARIS,

Par Robert Estienne Imprimeur du Roy.

M. D. L X I I I.

Par Commandement & Priuilege
dudict Seigneur.



LA DECLARATION

FAICTE PAR LE ROY, DE SA
Maiorité, tenant son liēt de Iustice en sa
Cour de Parlement de Roūen: Et Ordon-
nance par luy faicte pour le bien & repos
public de son Royaume: & ce qu'il diēt
en ladicte Cour auant la publication de
ladicte Ordonnance.



VI s qu'il a pleu à Dieu
(après tant de trauaux
& maux, que mō Roy-
aume a eus) me faire la
grace de l'auoir paci-
fié, & en chasser les An-
glois, qui detenoyent iniustement le
Haure de Grace: I'ay voulu venir en
ceste ville pour remercier mon Dieu,
qui n'a iamais delaisé, ny moy, ny mō

Royaume. Et aussi pour vous faire entendre qu'ayāt attainct l'aage de ma Majorité, comme i'ay à present, que ie ne veux plus endurer que l'on vse en mon endroict de la desobeissance que l'on m'a iusques icy portee depuis que ces troubles sont encommencez: Et que ayant faict l'Edict de la paix, iusques à ce que par le Concile general ou national, soit faicte vne si bonne & sainte reformation que ie puisse voir par là, tous mes subiects reünis en la crainte de Dieu, ou qu'autrement par moy en soit ordonné: que tous ceulx qui le voudroyent rompre ou y cōtreuenir, soyēt chastiez comme rebelles & desobeissans à mes cōmandemens. Et entens que par tout mō Royaume, il soit obserué & gardé, & qu'il n'y ait plus nul, de quelque qualité qu'il soit, qui ait armes, & que tous les posent, soyēt villes ou du plat pays. Et aussi ne veux

plus que nul de mes subiects (fussent
mes freres) ayent nulle intelligence, ne
qu'ils enuoyent sans mon congé en
pays estrangier, ny à nuls Princes, soyét
amis ou ennemis, sans mon sceu : ny
que lon puisse faire cueillette, ny leuer
argent en mon Royaume, sans mon
expres commandement.

Et à fin que nul n'ait cause d'igno-
rance, i'entens en faire publier l'Edict
en ma presence, que ie veux estre passé
par toutes mes autres Cours de Parle-
ment : à fin que tous ceux & celles qui
y contreuindront, soyent chastiez
comme rebelles & crimineux de leze
Maiesté. A quoy ie veux que teniez
tous (qui estes icy presens) la main, se-
lon vos charges & offices que tenez,
m'y faire obeir. Et aussi que vous qui
tenez ma Iustice en ce lieu, la faciez
telle à mes subiects, que ma conscien-
ce en soit deschargee deuant Dieu, &

qu'ils puissent viure tous fous mon
obeissance, en paix, repos & seureté.
Et ce faisant le recognoistray, com-
me doit vn bon Roy, vers ses bons sub-
iects & seruiteurs.



H A R L E S par la gra-
ce de Dieu Roy de France,
A tous ceulx qui ces presen-
tes lettres verront, Salut.
Chascun a veu comme ces anneés pas-
sées nostre Royaume a esté agité & tra-
uailié de diuisiós & troubles, & le mal,
dómage & inconuenient que nos po-
úres subiects en ont senti & porté en
leurs personnes & biens: Et nous aussi
en la perte de plusieurs grands person-
nages, & autres nos bons seruiteurs &
subiects, dont il nous demoure vn in-
croyable regret. Et toutesfois esti-
mát que ceste affliction est de la main
de Dieu, qui nous a faict, & à nos peu

ples, ceste grace de nous visiter & admonnester à plus grande cognoissance de luy, (chose qui nous est plus chèrement recommandee, que nostre propre vie :) Nous l'auons receuë de luy, ainsi que son bon plaisir a esté nous en faire dignes, & d'accôpagner nos ieunes ans, non de si peu d'aduis & iugement, que n'ayons tousiours fermement creu, que tout le bien & restauration que nous y deuions esperer, deuoit venir de sa seule bonté & grace : Laquelle estendant sur nous & sur nos peuples tresslargement, il luy a pleu couuertir ceste calamiteuse affliction à vne amiable vnion & reconciliation entre nosdicts peuples, & nous dōner sa sainte paix, repos & tranquillité tant desirée & necessaire : par le moyē de quoy, chascū recognoissant son deuoir, nous ne trouuōs en nosdicts peuples & subiects moindre & seruēte affection en-

uers nous , ne d'obeissance, qu'ils ont
toufiours demonstree à nos predeces-
seurs, de bonne & loüable memoire :
comme tous d'un commun accord &
concorde ont ces iours passez demon-
stré par effect, en l'expeditiō que nous
auons dernieremēt employee en per-
sonne, au recouurement de nostre vil-
le François & Haure de Grace, tenue
& occupee iniustemēt par les Anglois:
dont par la vaillance & valeur de nos-
dits bons subiects, assistez de l'aide de
nostre Seigneur, nous auōs eu l'heureu-
se & fauorable yssue que eussions peu
desirer: Tellemēt que nous pouuōs di-
re nostredit Royaume estre de pre-
sent reduict en son entier.

Pour en quoy le maintenir, & faire
cesser toutes occasions qui pourroyent
causer nouuel inconuenient, chercher
aussi tous moyēs de le remettre (avec la
grace de nostre Seigneur) en la doulce
& flo-

& florissante tranquillité ou il a cy de-
uāt esté: Et cōmencer vn si bon œuure,
au commencement de la maiorité de
nostre aage, qu'il a pleu à Dieu que
ayons attainct depuis quelques iours:

Auons par le prudent conseil & ad-
uis de la Royne nostre treshonoree
Dame & mere, de nostre trescher &
tresamé frere le Duc d'Orleans, aussi
de nos treschers & tresamez Cousins,
les Cardinal de Bourbon, Prince de
Condé, Duc de Montpensier, & Prin-
ce de la Roche-sur-Yon, Princes de no-
stre sang: Cardinaux de Guyse, & de
Chastillon, Duc de Montmorency,
Cōestable: sieurs de Brissac, de Mont-
morency, & de Bordillō, Mareschaux:
de Boisy grand escuyer de France, &
aultres bons & notables personnages
de nostre Conseil estans lez nous, Or-
donné & statué, ordonnons & statuons
ce qui s'ensuit:

P R E M I E R E M E N T ne desirāt
riens tant que de veoir les villes de no-
stre Royaume remises en leur premie-
re doulce cōuersation & tranquillité,
oster aussi toute occasion de querelle,
vengeance & entreprinse, que le ma-
niement des armes peult laisser à ceux
qui ont mauuaise volonté: Entendōs,
voulons & nous plaist, & cōmandons
tresexpresssement, sur peine de con-
fiscation de corps & de biens, à tous
nosdicts subiects, l'entiere & parfaicte
obseruation & entretenemēt de la De-
claration par nous faicte le septiesme
iour de Mars dernier, sur la pacificatiō
desdicts troubles en tous ses poincts &
articles: Soubs le benefice de laquelle,
& nostre protection, entendons nos
peuples & subiects viure dorefnauant
en toute concorde & vnion.

Et pour cest effect, enioignōs à tous
Bourgeois, manans & habitās des vil-

les de nostre Royaume , que dedans
vingt quatre heures apres la publicatiō
de ces presentes , ils ayēt à laisser & de-
poser les armes, sans plus en porter par
lesdictes villes, ne s'entremettre de fai-
re aucun guet ne garde aux portes , ne
par lesdictes villes de iour ne de nuict,
faire sonner tabourin , leuer ne porter
enseigne par icelles villes , sans congé,
commandement & commissiō ex-
presse de nous, scelee de nostre seel.

Et pour euitier qu'aucuns n'abusent
desdictes armes, Que iceux bourgeois
manans & habitants desdictes villes
ayent à les apporter ou enuoyer dedās
semblable tēps, entre les mains de nos
Lieutenans generaux & Gouverneurs
des lieux, ou ceux qui par eux serōt à ce
deputez , qui les receuront par inuen-
taire, pour estre mises en bonne & seu-
re garde dedans nos maisons & Cha-
steaux desdictes villes , & là conseruez

à ceux ausquels elles appartiendront, pour leur estre rendues quãd par nous sera ordonné: ainsi que nous auons deliberé faire aux bons & notables bourgeois, & ceux que nous cognoissons amateurs du repos public, & zelateurs de nostre seruice & bien de nostredict Royaume.

Et à fin que la tranquillité soit par tout le plat pays aussi bien que par lesdictes villes, pour euitér aussi que les peuples armez ne feissent aucun scandale n'entreprinse, entendons semblablement que les armes, dont nos subiects dudit plat pays sont saisis & garnis, soyent par eux apportees & consignees par inuētaire es plus prochains Chasteaux & maisons à nous appartenans. Et que à ce faire ils soyent contraincts par nosdicts Lieutenãs generaux, sous les mesmes peines, & dedans le tēps cy dessus, pour là estre gar-

dees iusques à nostre bon plaisir. Vou-
lans que contre les deffaillans & refu-
sans de satisfaire en ce que dict est à no-
stre presente Ordonnance, soit faicte
telle & si rigoureuse punition, que ce
soit exemple à tous autres. N'enten-
dons toutesfois en ce comprendre les
Princes, Seigneurs, Gentils-hommes
& Noblesse de nostredict Royaume,
qui pourront auoir en leurs maisons
les armes y necessaires, pour la seureté
& defense d'icelles, sans en abuser.

D'auantage, considerât que les meur-
tres, volleries, assassins, & autres en-
treprinse, qui troublent le commun
repos de nosdicts subiects, s'exercent
plus par les armes à feu, que nuls au-
tres: Defendons trespresloictement sur
mesmes peines à toutes personnes, de
quelque estat, dignité & qualité qu'ils
soyent, porter ne faire porter par leurs
gens & seruiteurs dedans les villes, ne

par les champs, aucune hacquebute, pistolle ne pistolet, ne d'icelles tirer: sinon qu'ils fussent gens de nos ordonnances, ayans & portans le faye de gendarme ou archer, seló leur qualité, Gẽtils-hommes de nostre maison, ayans certificat signé de leur Cappitaine, Archers de nos gardes, ceux du Preuost de nostre hostel, Preuosts des Conestable & Mareschaux de France, portans le hoqueton, ou certificat de leurs Capitaines: & les gens de guerre, soldats estans à nostre solde en leurs garnisons, & allans pour nostre seruice par nostre commandement, ou des Cõestable & Mareschaux de France, d'un lieu à autre, & non autrement.

Et en reiterant les anciennes Ordonnãces de nous & de nos predecesseurs, defendons aussi à toutes personnes, toutes assembléees en armes, & ports d'armes pour quelque cause que ce

soit, sur peine d'estre punis cōme seditieux & perturbateurs du repos public.

Auons en oultre prohibé & defendu, prohibons & defendons, sur peine de crime de leze maiesté, à tous nosdicts subiects quels qu'ils soyent, qu'ils n'ayent à faire pratique, auoir intelligence, enuoyer ne receuoir lettres ne messaiges, escrire en chiffre, n'autre escripture feincte, ne desguisee, à Princes estrangers, ne aucuns de leurs subiects & seruiteurs, pour chose concernant nostre estat, sans nostre sceu & exprés congé & permission.

Et encores que par les ordonnances expresses, & infinies fois reiterees de nosdicts predecesseurs & nous, toutes leues de deniers soyent prohibees en cestuy nostre Royaume, neantmoins il s'est veu durāt cesdicts troubles, que plusieurs en ont esté faictes au grand dommage de nostre peuple, le soula-

gement duquel nous desirons & cher-
chons par tous moyens.

Defendons & prohibons aussi pour
ceste cause à tous nosdicts subiects, de
quelque qualité qu'ils soyent, faire, ne
faire faire, pourfuyure ne cōsentir au-
cune taxe, cottisation, leuee ne cueil-
lette de deniers sur eux, pour quelque
cause que ce soit, sans nostre expresse
permission, scelee de nostredict grād
seel, sur les peines cōtenues en nosdicts
Edicts.

Semblablement de faire aucune li-
gue, assemblee, n'association secrete ne
publique: mais s'ils en ont aucune, s'en
departir, sur peine d'estre declarez re-
belles & ennemis de nous & du repos
public de nostredict Royaume.

Et pourautant que la malice & ne-
cessité du temps a esté cause que plu-
sieurs Gentilshōmes, & autres qui sont
en nos estats & à nos gaiges & solde,
se sont

se font tant oubliez, qu'ils ont suyui & accompagné, & mesmes pris gaiges, pensions & estats d'autres Princes & seigneurs, que de nous: chose qui a donné grande force & moyen à l'entretenement des troubles & tumultes, qui ont eu cours en nostredict Royau- me: ce que nous desirons euitier pour l'aduenir. Defendans pour ces causes, & autres bonnes & grandes cōsidera- tions à ce nous mouuās, à tous les des- fusdicts ayans gaiges, solde & estat de nous, sur peine de perdition & priua- tion de leurdicts estats, & d'estre cas- sez de nostre seruice, qu'ils n'ayent à prendre, accepter ne receuoir, entrer ne demourer au seruice, suyure ne ac- compaigner autre Prince ne seigneur que nous. Commandant à ceux qui y seront, qu'ils ayent à le venir declarer dedans quinze iours apres la publica- tiō de ces presentes, à nous & à nostre

Conseil, pour apres en ordóner ce que bon nous semblera: sachans que oultre la perdition de leursdicts estats, ceulx qui seront trouuez auoir teu, ou faiet le contraire, receuront de nous la honte & le reproche qu'ils auront merité.

Voulons & entendons, que lesdicts Princes & Seigneurs, soyent seulement suyuis, seruis & accópagnez des Gentils-hómes qui leur sont domestiques, & à leurs gaiges, & non d'autres: sinon que ce fussent gens de nos ordonnances, suyuant leurs Cappitaines.

Et à fin que aucuns Gentils-hómes ne püssent esperer ne pretendre entrer aussi es estats de nostre maison, soit de Gentil-hóme de nostre chábtre, Gentil-homme seruant, ou de nostre Hostel, auát qu'il en soit capable, ou pour le moins ait merité quelque chose en nostre seruice:

Ordonnons aussi qu'aucun n'y pour-

ra estre admis ne receu, que premierement il n'ait esté nourri en nos ordonnances, & nous ait faict seruice en icelles l'espace de quatre ans pour le moins.

SI DONNONS en mādement à nos amez & feaux Lieutenans generaux, Gouverneurs de nos prouinces, Gens tenans nos Cours de Parlemēts, Baillifs, Seneschaux, ou leurs Lieutenats, & à chascun d'eux, sicōme à luy appartiēdra, que ceste nostre presente Ordonnance ils facent lire, publier & enregistrer ou besoin sera, & le cōtenu obseruer & entretenir inuiolablement: & contre les infracteurs proceder par les peines indiētes. Car tel est nostre plaisir. En tesmoing de ce, nous auōs faict mettre nostre seal à cesdiētes presentes. Donnē à Rouen le seiziesme iour d'Aoust, l'an de grace mil cinq cens soixante trois, & de nostre regne

le troisieme. Ainsi signé, Par le Roy
en son Conseil.

DE L'AVBESPINE.

Et scellé de cire iaulne à double
queue.

DE PUIS, ayant pris resolution
aller en nostre Cour de Parlement de
ceste nostre ville de Rouen, accompa-
gnez de la Roine nostredict Dame &
mere, de nostredict frere le Duc d'Or-
leans, de nostre frere le Prince de Na-
uarre, & des aultres Princes & Sei-
gneurs cy deuant nommez: Ladicte
Cour assemblee, auons publiquement
declaire la Maiorité de nostre aage: Et
que nostre intétion estoit, (ayant pleu
à Dieu nous conduire iulques là,) pren-
dre d'icy en auant en main le manie-
ment & administration de nostre
Royaume & des affaires d'iceluy: y

commander, & en disposer par le bon
Conseil de nostredicte Dame & mere,
Princes de nostredict sang, & gens de
nostredict Conseil. Qui tous, & sem-
blablement ladiete Cour, nous ont
pour tel recogneu : & comme à leur
Roy maieur, & souuerain Seigneur,
faict & presté le serment, l'honneur,
reuerence & deuoir d'obeissance qu'ils
nous doiuent. Ce faict, auons com-
mandé la lecture & publication de ces
presentes. Apres laquelle, & sur ce par
nous pris aduis de la Roine nostredi-
cte Dame & mere, & aultres Princes
& Seigneurs dessusdicts: Auons appe-
lé & faict venir à nous nostre trescher
& feal Chancelier, auquel nous auons
commandé faire entendre à ladiete
côpaignie, Que nostre vouloir & in-
tention est, oultre le cõtenu cy dessus:
& d'abõdant commandons & ordon-
nons tresexpressement sur peine de la

hart, A tous bourgeois, manans & habitans de nosdictes villes, & plat pays, laisser & déposer toutes armes, Espees, dagues, & aultres quelconques : Leur defendant de plus en porter par lesdictes villes, mais les mettre & consigner es lieux & ainsi que dessus est dict: sans en retenir aucunes en leurs maisons, sinó leursdictes espees & dagues, qu'ils pourront garder pour leur seruir quād ils iront aux champs.

Et pour remettre toutes choses en leur premier ordre & trāquillité, Auōs de nostre pleine puissance & auctorité Royal, cassé & cassons tous Cappitaines, Porte-enseignes, Capporaux & sergens de bandes, qui durant les derniers troubles ont esté creéz esdictes villes, & autres commis à semblables charges : Leur defendant sur peine de la hart de plus cy apres s'empescher ne s'entremettre d'icelles charges : Et auf-

dicts bourgeois desdictes villes de pro
ceder à nouuelle eslectiō desdicts Cap
pitaines, Lieutenans, Porte-enseignes,
Capporaulx , Sergents, ou aultres de
semblable qualité & charge. Ce que
ledict Chancelier a faict. Voulāt, vous
mandant, cōmandant & ordonnant à
chascū de vous endroict soy, & sicom
me à luy appartiendra, faire sembla
blement ceste nostre derniere Ordon
nance, lire, publier & enregistrer avec
cesdictes presentes : & tout le contenu
ensuyure, entretenir, garder & obser
uer inuiolablemēt : & contre les infra
cteurs & desobeissans proceder par les
peines cy dessus declairees. Vous char
geant vn chascū de vous en son regard
y tenir la main , & faire tout deuoir
soubz l'obeissāce que vous nous deuez,
au bien & repos de nostre peuple, &
restablissement de la tranquillité que
nous desirons voir parmi iceluy. Car

tel est nostre plaisir. Donné en nostre
Parlemēt à Rouen le x vii iour dudict
mois d'Aoult, l'an & regne que dessus.

LADICTE Ordonnance enuoyée par
sa Maïeste à la Cour de Parlement de Paris
par le sieur de Lansbac Cheualier de son ordre
& Conseiller en son Conseil priué, avec let-
tres par lesquelles leur estoit mandé icelle fai-
re publier: resolurent faire sur ce aucunes re-
monstrances audict Seigneur. Et pour cest ef-
fect deputerent, & vindrent deuers luy en sa
ville de Mante Messire Christofle de Thou
Cheualier premier Presidēt, Maïstres Nicole
Preuost President des Enquestes, & Guillau-
me Vieille Cōseiller en ladicte Cour. Lesquels
furent de sadicte Maïeste bien au long & be-
nignement oys en leursdictes remonstrances.
Surquoy, apres les auoir bien & meurement
considerees en sondict Conseil, leur fait respō-
se telle qui s'ensuit:

I' A Y entendu vos remonstres,
& comme ont accoustumé mes pre-
decesseurs Rois de les prendre de bõ-
ne part, & apres les auoir entendues,
vous commãder leur volonté: i'en fay
de mesmes: m'asseurãt que ne fauldrez
à m'obeir, aussi bien comme vous auez
accoustumé faire les Rois mes Pere &
grands peres. Car ie ne suis moins vo-
stre Roy qu'ils estoient, encores que ie
sois plus ieune & moins experimenté,
auec le Conseil de la Roine ma mere,
qui me fait ce bien de prendre la pei-
ne de manier mes affaires: i'ay esperan-
ce que Dieu me fera la grace que ie ne
feray rien cõtre son honneur, ny con-
trẽ ce que ie desire pour la cõseruation
de mon Royaume. Et à fin que voyez
que ie ne fay rien de si grande impor-
tance sans mon Conseil: Ie veulx que
les oyez tous opiner, & qu'ils vous diẽt
si ce n'a esté par leur aduis que ie l'ay

D.i.

faict. Quant à la declaration de ma
maiorité, ie l'ay faict ainsi que i'ay co-
gneu que mes affaires le requeroient,
n'estât obligé de faire ceste declaratiō
que ou il me plaist, cōme ont faict les
autres Rois. Je vous prie, Messieurs,
dire deuant eulx, comme tous m'avez
conseillé ce qu'en ay faict, nō pour in-
troduire deux religions: car quand le
voudriez, ie n'ay ceste volonté. Mais
voyant la necessité aussi grande, com-
me le iour mesmes que la paix fut fai-
cte, de l'entretenir, & establir par ce
moyen si bien mon obeissance: que
quand le Concile general ou nation-
nal y aura faict vne bonne reformatiō,
ou que ie cognoistray que pour mon
seruice ie doie autrement ordonner,
que ie le puisse faire au contentement
d'un chascun: & qui ne rapporte plus
de trouble à mon Royaume, ny occa-
sion à mes subiects de reprendre les ar-

mes, d'autant que ie veulx qu'à ceste
heure tous les posent pour mon serui-
ce, ainsi que pour mon seruice les ont
prinſes. Voyla l'occasion pourquoy ie
veulx que la publication de cest Edict
ſoit faicte: Et l'ayât faict publier en ma
presence, n'entens qu'il y ſoit riens re-
formé: Car ie ne reconſirme que con-
ditionnellement, puis que cōditionnel
eſt, cōme vous dites, celui de la paix.
Pource n'en faites plus de difficulté,
car ie le veulx ainſi. Mon Couſin, cō-
mencez à dire comme l'auez trouué:
& vous prie n'auoir reſpect à moy, ny
aultre choſe, que ne diez la verité, ſi me
l'auez conſeillé ou non. *Adreſſant le-*
dict Seigneur ces parolles à Monsieur le Car-
dinal de Bourbon premier Prince du ſang: Le-
quel, & apres luy les aultres Princes du ſang,
& aultres Seigneurs du Conſeil dudit Sei-
gneur là preſens en bon nombre, dirent pre-
sents leſdicts deputez, Que ladicte Ordō-

nance auoit esté faicte par leur conseil
& aduis, comme tresnecessaire & vtile
au bien de ce Royaume: Declairants
les causes & raisons qui les auoyent à
ce meus. *Et là dessus le Roy commença
à dire derechef ausdicts deputez,*

V O V S auez entendu ma volon-
té, & comme ie n'ay faict ceste Ordon-
nance de mō opinion seule, ny de cel-
le de la Roine ma mere: encores que ie
n'eusse que faire à vous en rendre com-
pte, pour estre vostre Roy, & chose que
les autres n'ot accoustumé: mais pour
ce coup ie l'ay voulu faire. Aussi ie
vous veulx dire, à fin que ne cōtinuez
plus à faire comme auez accoustumé
en ma minorité, de vous mesler de ce
qui ne vous appartient, & ne deuez: &
qu'à ceste heure que ie suis en ma Ma-
iorité, ie ne veulx plus que vous vous
messiez que de faire bonne & briefue
Iustice à mes subiects. Car les Rois mes

predecesseurs ne vous ont mis au lieu
ou vous estes tous, que pour cest effect:
à fin que leur conscience en fust des-
chargee deuant Dieu, & que leurs sub-
iects en vesquissent en plus de seureté
sous leur obeissance: Et non pour vous
faire ny mes tuteurs, ny protecteurs du
Royaume, ny cōseruateurs de ma ville
de Paris. Car vous vous estes faict ac-
croire iusques icy qu'estiez tout cela.
Et ie ne vous veux plus laisser en cest
erreur: mais vous commande qu'ainsi
que du temps des Rois mes pere &
grands peres, n'auiez accoustumé de
vous mesler que de la Iustice: Que do-
resnauāt ne vous messiez d'aulture cho-
se. Et quand ie vous commanderay
quelque chose, si y trouuez aucune dif-
ficulté pour ne l'entendre: ie trouueray
toufiours bon que m'en faciez remon-
strance, comme souliez faire aux Rois
mes predecesseurs, & non comme mes

Gouuerneurs : & apres me les auoir
faictes , ayants oy ma volonté , sans
plus de replique y obeir. Et si faites
ainsi , vous me trouuerez aussi bon &
doux Roy en vos endroicts , qu'en eu-
stes iamais. Et faisans côme auez faict
depuis que vous estes faict accroire
qu'estiez mes tuteurs : vous trouuerez
que ie vous feray cognoistre que ne
l'estes point , mais mes seruiteurs &
subiects , que ie veulx qui m'obeissent
à ce que ie vous commanderay.

F I N.

EXTRACT DV
Priuilege.

PAR Priuilege ſpecial du Roy, donné à Meullant le
xxi iour de Septembre, M. D. LXIII, ſigné Par le Roy
en ſon Conſeil, De l'Aubeſpine, & ſeellé du grand ſeal ſur
ſimple queue: Il eſt permis à Robert Eſtiëne ſon Imprimeur,
d'imprimer, faire imprimer, & mettre en lumiere La pre-
ſente Ordonnance, enſemble les propos par nous
tenus en noſtre dicte Cour de Parlemēt de Rouen:
& ſemblablement ce que nous auons dict & fait
entendre aux Preſident & Conſeillers deputez par
nos amez & feaulx les gens tenants noſtre Cour
de Parlement à Paris, pour nous faire ſur ladicte
Ordonnance certaines remōſtrances, nous eſtāts
dernierement à Mante, & autres choſes qui ſont
ſur ce paſſees. Et deſenſes à tous aultres de l'imprimer
ne expoſer en vente ſans le conſentement dudiſt Eſtiëne,
durant le temps & terme de deux ans: Sur peine aux con-
treuenāts, de conſiſcation de ce qu'ils en auroyent imprimé,
& d'amende arbitraire.

